



**Tractatus Juridicus Ad Librum III. Decretalium Gregorii IX.
Clericorum in communi, nec non Prælatorum, ac
Capitulorum in specie obligationes, & jura complectens**

Scharz, Oddo

Salisburgi, 1738

§. IV. Quas pœnas incurant residentiam negligentes?

[urn:nbn:de:hbz:466:1-63800](https://nbn-resolving.de/urn:nbn:de:hbz:466:1-63800)

De Clericis non residentibus in Ecclesia, &c. 115

derint, si cæteroquin Chorum diligenter frequentare soliti sint. Barboſ. ad cap. 12. Sess. 24. Concil. Trid. n. 96. & de Offic. & Potest. Episcop. part. 3. allegat. 53. num. 167. Garzias d. num. 363. aliquot Declarationes Cardinalium adducens, specialiter verò num. 344. ab eadem Sac. Congregatione & Gregorio XIII. statutum illud, vel consuetudinem Ecclesiarum approbatam testatur, quā is, qui beneficio suo per 40. annos continuos per se ipsum deseruit, de cætero, quoad vixerit, tanquam emeritus à Choro abesse, & fructus beneficii, unā & distributiones quotidianas percipere possit.

34 Nota, quod recensitis casibus Canonici ab Ecclesia sua absentes distributiones quotidianas lucrari valeant, id non tam juri communi in acceptis referendum habeant, quām consuetudini à jure non reprobatae. De jure enim communi antiquo in cap. un. b.t. in 6. expresso, nulli, nisi actualiter in choro præsentes distributiones lucrari poterant, quam constitutionem deinde innovavit jus novissimum in Concil. Trid. Sess. 24. de Reform. cap. 12. reprobans tanquam corruptelam omnem consuetudinem, concedentem distributiones quotidianas aliis, quām, qui

actualiter, & verè horis Canonicis interfuerint, exceptis illis duntaxat, quos infirmitas, seu justa, & rationabilis corporalis necessitas, aut evidens Ecclesiæ utilitas excusaret. Qua exceptione Pontifex non intendit distributiones quotidianas omnibus illis concedere, qui ex causa corporalis infirmitatis, vel evidentis Ecclesiæ utilitatis absunt, sed illam duntaxat consuetudinem, si quæ uspiam invaluerint, ut ex dictis causis liceat absentibus distributiones percipere, non esse improbandam censem. Quis enim dubitet, ait Van-Espen J.E.V. part. 1. Tit. 7. cap. 11. num. 2. „in Ecclesiæ utilitatem cedere, ut Canonicis in regimine Ecclesiæ Episcopo afflstant, & inserviant? & tamen, si jus commune spectemus, distributiones eis absentibus non debentur, Similiter negari nequit, quin absentia Canonorum studiorum causâ in Ecclesia utilitatem cedere possit, & tamen distributiones quotidianas nemo eis assignat. Ut ergo de recipiendis in absentia distributionibus recte judicemus, non tantum inquirendum, an corporalis infirmitas, aut evidens Ecclesiæ utilitas absentiam excusat, sed an etiam aliqua Ecclesiæ ordinatio, vel consuetudo concurrat. Hæc cit. Auth.

§. IV.

Quas pœnas incurvant residentiam negligentes?

S U M M A R I A.

35. Pœnae in non residentes tum Prælatos majores, tum Parochos enumerantur in Concil. Trid. Sess. 6. de Reform. cap. 1. & Sess. 23. cap. 1. 36. Possunt pro qualitate contumacie aliae adhuc pœnae infligi. 37. Pœnas tamen à Concil. Trid. in non residentes statutas non incurrit Parochus residens, qui curam per suos Cooperatores exercet. 38. Nec pœna privationis contra Parochos non

residentes decreta ipso jure incurritur. 39. Quæ poenæ à Concilio in Canonicos non residentes sint decretæ? 40. Non est in arbitrio Canonici residentiam, renuntiando perceptioni fructuum, negligere. 41. Quid de Canonico ultra tres Menses absente in ordine ad perceptionem fructuum?

35 Cum ex neglecta residentia, & cura animarum negligi, & cultus Divinus minui, aliaque damna Ecclesiis imminere soleant. arg. cap. 6. de Elect. in 6. ideò variæ poenæ in residence negligentes à jure decretæ sunt, & quidem circa Prælatos majores puta, Patriarchas, Archi-Episcopos, Episcopos Concil. Trident. Seff. 6. de Reform. cap. 1. Seff. 23. cap. 1. Antiquos Canones in cap. 20. & seqq. C. 7. Q. 1. cap. 34. de Elect. in 6. qui temporum, atque hominum injuria penè in desuetudinem abierunt, adversus non residentes promulgatos innovat, statuitque, ut si quis ex prædictis Prælati legitimo impedimento, seu justis & rationabilibus causis cœfiantibus sex mensibus continuis extra suam Dicecsem morando absuerit, quartæ partis fructuum unius anni, fabricæ Ecclesiæ, pauperibus loci per superiorem Ecclesiasticum applicandorum poenam ipso jure incurrat. Quodsi per alios sex menses in hujusmodi absentia perseveraverit, aliam quartam partem fructuum similiter applicandam eo ipso amittat. Crescente verò contumacia, ut severiori SS. Canonum censuræ subjiciatur, Metropolitanus suffraganeos Episcopos absentes; Metropolitanum verò absentem suffraganeus Episcopus antiquior residens poena interdicti ingressus Ecclesiæ eo ipso incurrenda infra tres menses per litteras, seu nuntium Romano Pontifici denuntiare teneatur: qui in ipsis absentes, prout cuiuscunque major, aut minor contumacia exegerit, suæ supremæ sedis

authoritate animadvertere, & Ecclesiis ipsis de Pastoribus utilioribus providere poterit, sicut in Domino noverit salubriter expedire. Ita Trid. Seff. 6. de Reform. cap. 1. sub Paulo III. quas poenas dein Seff. 23. de Reform. cap. 1. innovavit, & nè prius sub Paulo III. statuta in sensu à SS. Synodi mente alienos trahantur, ac si vigore illius Decreti saltem s. Mensibus continuis impunè absese liceat, etiam eos, qui prædicto modo ultra tres ad futurum menses absuerint, præter mortalis peccati reatum pro rata temporis absentie fructus suos non facere, nec tuta conscientia, alia etiam declaracione non secuta, illos sibi detinere posse, sed fabricæ Ecclesiarum, aut pauperibus loci erogari debere statuit. Iisdem quoque poenis Parochos, & alios, beneficium curatum habentes, ob neglegentiam residentiam subjici, patet ex verbis cit. Seff. 23. cap. 5. Eadem omnino etiam quoad culpam, amissionem fructuum, & poenas de curatis inferioribus, & aliis quibuscunque, qui beneficium aliquod Ecclesiasticum, curam animarum habens, obtinent, Sacrosanta Synodus declarat, & decernit.

Quæres 1. An præter dictas poenas alia adhuc statui possint? Respondeo affirm. pro qualitate contumacia, & negligentia, ita, ut ad depositionem quoque procedi possit. Concil. Trid. cit. Seff. 23. cap. 1. cap. 2. & 9. h.t. Im Novissimâ Urbani VIII. Constitutione edita 7. Decemb. 1634. quæ incipit: Sa-

De Clericis non residentibus in Ecclesia, &c. 117

tra Synodus Eccl. & refertur à Barbos.
de Offic. & Potest. Episc. part. 3. alleg. 53.
n. 21. omnes Episcopi, Archi-Episcopi,
tametsi simul Cardinales sint, sub
virtute S. Obedientiae, & poenitentia
dicti ingressus in Ecclesiam, amissionis
fructuum pro rata temporis, & facili-
tatis testandi, casu, quo eam à Sede
Apostolica impetrassent, ipso facto in-
currendis, ne quid propter negotia publi-
ca Regni, Imperii, nec ad Mandatum
Cælaris, vel Regis, nec prætextu
pietatis, necessitatis, utilitatis Ecclesi-
arum, vel quacunque causa publica ab
Ecclesiis suis recedere prohibentur, nisi
prius à S. Pontifice expressam licen-
tiā per Breve, vel Litteras Missivas, ut
vocant, obtinuerint.

37 Quæres II. An, si Parochus non
quidem à sua Parochia absit, omnia ta-
men per Cooperatores suos admini-
stret, poenas Tridentini incurrat? Affir-
mat Sylvester in V. Residentia n. 1. & 6.
ed, quod talis ex mente & ratione legis
residere non censeatur, qui Sacra menta
non administrat. Verum non minus
probabiliter negativam tuerit Garzias
Part. 3. cap. 2. num. 53. quia scilicet poe-
na Tridentini tantum in absentes lata
est, & poenalia propter casus similes,
vel graviores similes non expressos haud
extendenda sunt. Interea dubium non
est, quin talis male & contra jura agat,
& ideo beneficio privari possit; fructus
tamen interim suos faciet: sicut nec
ille fructus amittit, sive Episcopus, sive
Parochus, qui officio suo male fungitur,
quamvis reprehensione dignior,
quam qui saltē per alios sua ritē exe-
quitur.

38 Quæres III. An poena privationis
beneficiorum contra Parochos non re-

sidentes ipso jure inducatur? Repon-
deo negativè, sed esse per sententiā
privandos. Colligitur ex cap. 6. 8. 10.
& 11. h. t. & Concil. Trid. Seſſ. 23.
de Reform. cap. 1. ubi liberum relinqui-
tur ordinarii, Parochos non residen-
tes, & contumaces, per censuras Ec-
clesiasticas, sequestrationem, & subtra-
ctionem fructuum, aliisque juris reme-
dia, etiam usque ad privationem com-
pellere. Garz. num. 139. Flam. Paris. de
Resign. benef. l. 1. cap. 10. num. 61. Imò
non posse devenir ad privationem, nisi
monitio, vel citatio præmissa fuerit,
quandoconque etiam tempore à Paro-
chia aliquis absuerit, patet ex cap. 8.
h. t. ubi Decanus quidam integro de-
cennio Ecclesiæ suæ præsens non fuit,
nec tamen ante monitionem præviana-
ea privatus extitit. Concordat Trid. cit.
Seſſ. 23. cap. 1. Opus igitur erit cita-
tione personali per litteras, aut nu-
cium, si sciatur, ubi absens moratur,
vel edictali, si nesciatur, aut alijs per-
sonaliter citari nequeat. Et personalis
quidem citatio una sufficit. d. cap. 8. b. t.
Edictalis verò trina requiritur cap. 11.
h. t. Ratio est, quod, qui personaliter
citatus non venit, cum venire possit,
eo ipso contumax est, & quia tunc de
ejus contumacia jam constat, ut suppo-
nitur, ulteriori citatione opus haud
erit. Qui verò citatur per edictum, cum
tali casu certò sciri non possit, an cita-
tio re ipsa ad citatum pervenerit, non
statim formaliter contumax est, sed
sicut duntaxat, & præsumptivè; & ideo
trina citatio requiritur, ac nisi speciale
moræ periculum fuerit, sex iniuper
Mensibus exspectandum erit, donec sen-
tentia privationis promulgetur. cap. 11.
h. t. Panorm. lib. 1. Consil. 67. num. 2.

P. 1

Rc-



Rota apud Farinac. decis. 137. part. 1. Garzias num. 155. & seqq. Card. de Luca in Annot. ad Concil. Trid. discurs. 4. num. 15.

39 In illos, qui Canonicatus, dignitates, præbendas, aut portiones in Cathedralibus, seu Collegiatis Ecclesiis obtinent, & residentiam facere negligunt, sequentes pœnas Concil. Trid. Sess. 24. de Reform. cap. 12. docuit; primo anno, si ultra tempus à jure, vel consuetudine concessum absuerint, jubet ipsos privari dimidia parte fructuum, quos ratione præbendæ etiam, & residentiæ fecerunt suos. Quodsi iterum eadem fuerint usi negligentia, privandos statuit omnibus fructibus, quos eodem anno lucrati fuerint. Crescente verò contumacia contra eos juxta SS. Canonum Constitutiones etiam per censuras, atque ad ipsam beneficii privationem procedi imperat; antequam verò deveniatur ad privationem, præfatos pœnarum gradus necessariò omnino servare oportet, ac insuper prius citandi sunt, ut legitimo juris ordine servato, suo Canonicatu priventur ob intermissam residentiam. cap. 1. b. t. & quidem citatione personali, aut, si ignorantur, vel citatio commodè ad ipsos non valeat pervenire, per editum, idque ter in Ecclesia repetitum, & post ultimum editum adhuc per sex mensium intervallum exspectandi sunt. Argum. cap. 11. b. t. Aliter factam privationem nullam esse docent Zerol. in Prax. Episcop. part. 1. cap. 3. num. 10. Garz. dict. part. 3. cap. 2. num. 154. qui num. 155. subdit, in personaliter citato non requiri trinam citationem, sed sufficere unam eamque etiam extrajudicialem,

nec esse exspectandum per sex menses, sed tempus esse arbitratum. Vid. Barbos. loc. cit. num. 15. & 19. Fagnan. in cap. 11. b. t. n. 14. & 36.

Quæres I. Nunquid saltem Canonicus, si fructibus ultrò carere velit, etiam ultra tres menses tutâ conscientia abesse valeat? Respondeo cum Garzia Part. 3. cap. 2. num. 319. quamvis quidem aliqui libere & absque ullo conscientiæ scrupulo id faciant, de jure tamen contrarium probabilius esse, eò quod prædicta Tridentini constitutio non purè pœnalis, sed lex mixta sit, adeoque in conscientia etiam ad actum obligatoria, maximè cùm hæc obligatio originaliter non tam ex Tridentino, quām ex jure communi descendat. cap. 4. & 6. b. t. cap. fin. de Rescript. in 6. & pro hac sententia tres declaraciones Cardinalium adfert Garz. l.c. num. 322.

Quæres II. An Canonicus ultrà tres menses absens non tam fructus pro rata absentia, sed etiam cæteros medii, vel totius anni, quos propter residentiam jam fecit suos, ipso jure perdat, ut ne quidem in conscientia, dissimulante Episcopo, illos retinere possit? Respondeo cum laud. Garz. n. 149. & seq. Episcopum quidem contra Concil. Trid. dispensare, & pœnam ab eo statutam remittere non posse; si tamen exigere negligat, probabiliter Canonicus tales fructus bona conscientia retinere poterit, utpote quorum dominium jam semel acquisivit, quod Concilium Trid. non admit, ipso jure, sed per sententiam adimi vult, ut patet ex verbo *privetur*, & nemo tenetur pœnas à se ipso exigere.

Tl-